

Hilžbjeta: Čińće to, přetož tež na najhórše sym přihowana.

Sofija (čita): My, Bjedrich, z Božeje hnady knježićeř a knjez swjatoho romsko-němskoho kraja, podawamy Wam swój kejžorski postrow a wozjewjamy, zo smy saksko-durinskoho kraja skóržby přikhilnje wusłyšeć spožčili a z tutym našim wopismom, kotrež z našej ruku a kraja syglom wobkrućamy, Hilžbjetu, tukhwilnje knježacu krajnu hrabinu Durinsku, jeje knježeřstwa wotzběhnyć a króny wuswojić a tu samu knjeni hrabinej maćeri, Sofiji, w hnadže připóznać. Na to swoje kejžorske słowo a. t. d. Tu čitaj sama kejžorowe podpismo — a nětko daj krónu mi.

Hilžbjeta: Krónu? (Dawa krónu): Tu wzmiće, dam ju rad; a bych měła hišće sto krónow, wšitke dyrbjala je dóstać. To wšo džěn je jenož prózdny blyšć, za kotrymž moja wutroba ženje žedžiła njeje, to wě Bóh. Wot džensišoho dnja džělu ze Zbóžnikom čěrnjowu krónu.

Sofija (za so): To njeběch wočakowala. (K Hilžbj.) Zapřiješ nětko, kak z tobu stoji, a čuješ tež, zo sy to tak zawinowala?

Hilžbjeta: Wěm derje swojomu kejžorej posłuchać, tola za winowatu so Hilžbjeta nječuje; Bóh je mój swědk.

Sofija: Wěš tež, što je će wobskoržil?

Hilžbjeta: Za tym so was ženje njecham prašeć. Mi je dosć, zo mje swědomjo njewobskoržuje.

Sofija: Mysliš potajkim, zo so či njeprawda stanje.

Hilžbjeta: Derje, hdyž runje to wěrić njedyrbiće, mi je to wšo jene, ja čěrpju, znjesu a mjelču mojomu Bohu zalubo. Snadž budže jónu mój mandželski

Sofija: Twój mandželski? Tež tón je će zatamał, će zastorčil.

Hilžbjeta: Mój mandželski? Mje zastorčil! (Plaka.) Miłosćiwy Božo, to njemóže być.

Sofija: Tak njewěriš? Njeznaješ tute pismo?

Hilžbjeta (hlada do pisma, padnje na kolena): Swjaty Božo, pomhaj mi! (Pláče surowje.)

Sofija: Njechaš-li čitać, dyrbiš z mojoho erta wusud słyšeć.

Hilžbjeta (Rucy łamajo napřečo Sofiji): Mějće hnadu — moja wboha wutroba! (Pláče sylnišo.)

Sofija: Ně, to dyrbiš słyšeć. (Čita:) „Hilžbjeta, moja mandželska! Z třepotatej ruku pišu poslednje rjadki na tebje, kotraž moju wutrobu tak rudžiš. Ze wšěm, štož sym a mam, běch či podaty, sym će lubował. Běchmož žiwaj